欽 定 全 唐

文

驚風 1870 1 1 1 1 1 1 1 1 1 1 1 1 1 1 1 1 1 1 1		王績	報董景珍書	蕭銑	招道士徐鴻客書	李密	欽定全唐文卷一百三十一目錄
							新文藝出版社處書

	答程道士書		
--	-------	--	--

公十三年二月推密為主建號魏公改元永平越王侗 謀主元感敗以策干東郡賊翟讓讓令别統所部號蒲山蒲山郡公遂家長安大業九年楊元感舉兵黎陽以密為 賞薄怨望高祖使領本兵經略東都行至桃林復徵之大 帝遣使授密太尉尚書令東南道大行臺行軍元帥魏 密字元遂一字法主其先遼東襄平人父寬隋上柱國封 欽定全唐文卷一百三十 次定全唐之一美二十二十一李密 公武德元年為王世充所敗歸唐拜光禄卿封那國公以 李密

代屬艱虞厭海水之羣飛憫蒼生之途炭便與二三人 避為美齊物攸歸雅節與蘭桂俱芳高風共雲霞競遠孤 金少年月三十十五三二 萬武旅欲受降於軟道將問罪於商郊未遇元女思逢 之上軒轅門於廣成分水之陽唐帝從於藍缺是知 州長史至得所上竒策一 承世胄地藉餘緒平生大志豈圖富貴只為時逢板蕩 之嘉玩無已夫天地開賢人隱少微光處士見是以些 熊 招道士徐鴻客書 州副將盛彦師斬之 篇理智優長文采密麗覽

奇正八風五星之候玉臺金匱之書莫不洞晓於心若指 治掌今龍戰於野鶴翔寥廓或出或處且變且更濡足援 望拂席相待遲聽腳生之談方聞左車之說桂樹山幽歲 宜 手是日仁人除暴靜亂方稱君子贅我與運今也其時 云暮矣桃花源穴想見其人冬首薄寒比如宜也想攝 有方當無勞應庶不遠千里早赴六軍孤已勒彼州令以 躡屬擔簽用虞卿之禮披榛輓斡襲婁敬之風引領瞻 石詎有啟沃謀猷弼成韜鈴者也仙師學究本原術苞 Sal distant of the sexultantil LI 相送冀面非遥遣此不多及 李密蕭鏡

我之本國昔在有隋以小事大朝貢無關乃貪我土守滅 恭率兵討之鉄降於孝恭高祖數其罪斬於都市年三十 稱皇帝武德元年遷都江陵高祖詔夔州總管趙郡王孝 鉄後梁宣帝曾孫隋煬帝時以外戚擢授羅川令大業上 金牙白月了一方二三二 州築壇城南燔原告天自稱梁王建元鳳鳴義寧二年借 三年岳州校尉董景珍雷世猛等同謀叛推銳為主入岳 蕭銑 報董景珍書

飲定全事文 卷一写二上 余以大業四年獲遊京邑暮春三月蹔夥妈遊新停隱士 續字無功終州龍門人情大業中應孝弟康潔舉授揚州 我宗初我是以痛心疾首無忘雪恥今天改公等協我心 事若合行節豈非上元之意也吾當糾率士庶故從來請 六合縣还棄官還鄉里躬耕於東阜時人號為東阜子 船即赴羣工之席賞問與治接被方轅西望昆池東臨 十八年卒 王績 三日賦并序 王績

賦 傾 悲近 向天淵渚袁 雨京之贵族聚三都之麗人自須被穢 岸惟屏竟野士女盈川寶馬香車星流雲布氣鮮風暖 去年來已復春三月 馬同博奕之猶賢取波流之順 如褚爽之詞絡繹繽紛正是張衡之說不能點爾 学黄花 好誰家園裏泛紅花 紹應過薄洛津舊嫌晦日年芳早情 猶當監然而笑云 橋道橋石岸而誅茅入砂場 三日倚河脣正是地名為被 何處堤傍無綠草翠幕 俗終 爾 非白玉未可抱之 非徒解紳潘 飲 聊 尼 辰

曹王之 陳留風俗障額釣枝致梁填栗玉盤盛果金瓶泛酥案 衜 艷艷風光欣欣懷抱南鄰戚屬北 里豪家舊來常荡平居 轉蓋臨渭浦 收 自奢逢上林之卷霧直章臺之吐霞塵半濕而街靜氣 錢盃流九曲戲分羣聚人多座促爭桌帝女之壺門彩 而野華蒲梢果下之龍騎繡軸朱輪之攬車錦則 綾則駕為戴花粉色傾新市衣香滿處斜思野城 局六博退而梟盡樗蒱停 深徐引仙! 而停笳坐惟撑犀角行床鋪象牙洛都故事 瑟 對操喧趙琴而於急促奏筝而柱高 王績 而馬足新投素卵始泛 鳳 列 而 凰

修太元於暮齒擅中黃於早年校書芸閣之上射策蘭臺 某英年裝翡翠振鱗掉尾穿腮約鼻金門舊學玉署新賢 樹泊漁舟莎侵釣地沉玉轄而初設貫銀鈎而欲墜 情盤樂恣從榻渠邊回遊水次臨石碰而爭洗倚橋 促賞少長同遊九班縣角之仙筆五色魚羅之無機杜篤 之前鳴傳北關合集東川暫疑林竹逕真成都柳泉琴算 半醉浪動見移沙平鴈萃萍者浦而偏密若連汀而漸稅 連歌合舞節鼓鳴發方響銀經架琵琶金屑槽席闌賞洽 多定全度文·卷一百三十 新賦張華找雅篇問東哲而知博談子房而著元李曆 網 欄

連著晚風光最可憐棠梨別館祇斜日媽鵲重樓含暮烟 湔衫傍渚新開避 忌之席更作招魂之所相呼攜手共留 總角當塩初笄弄杼臨鏡臺而憶昔出香街而嘯侣錦袖 斷 既措盃而水綠亦鳴鞭而汗赭射堂高望修衛迥葬马聲 帳下鐵骸文鉄銀鞍鏤瓦新啄柘月之弧始被蘭池之馬 猶捧手王澄偃仰眠羽林名騎期門謁者勇振行閒聲高 垂花细半舉浮絳棗而相逐縣紅蘭而延竹照影窺潭 絕箭道平臨暈張堋滿塵驚埒深始銅穿而石滿終鴈 而猿吟帶周遭玉鞘縫恰金大堤諸絕艷中城之少女

路泛鷂昆明池浪影文青雀泥光濺綠羆若非五陵遊 停策青牛駐總看射維於平阜送乘羊於御坂慢望原 **感晚别有公子盛光儀羽蓋相將連騎馳出入芙蓉苑** 席交時烟霞綺錯何縣何州無林無壑俗非溱洧風成 定是三秦輕薄兒玉笛吹楊柳金冠飾鷄鵜念此日 連勺陂爭傳塞下梅花在強報閨中桑葉萎聞鷄宣 戲亦無窮之賞託但是津傍悉泛舟若箇山頭不投 定全唐文《卷一百三十一 **何林晚詎念城遥寧知伴遠聞鳥啼而弱夕憶蠶飢** 下遺香粉砂頭送紙錢專春須得過但任莫言旋紫 俠 曲 經 隰 क्त

業悠哉自寧酒甕多於步兵泰田廣於彭澤皇甫謐之心 飲定全害文人卷一百三十一 點洛年年歲歲傾城傾郭祗為春光動性靈剩使好遊 五葉桑榆成蔭俄將百年績南山故情老而彌篤東陂餘 高 吾周人也本家於祁永嘉之際扈從江左地實儒素人多 雙停南渡橋邊無數醉東流水上幾人醒隱士船中藥秦 河 · 劒裏銘若嫌鄭國桃花浦為向山陰蘭葉亭 烈穆公感建元之恥歸於洛陽同州悲永安之事退居 曲始則晉陽之開國終乃安康之受田墳隴寓居修焉 遊 北山賦并序 王績

妻孥而共去窗臨水石砌遊松篁類田園之去來亦已 之大業郊天祀地之洪休榮深責重樂不供愁何況 鳳 矣望山林之故道何其悠哉詩者志之所之賦者詩之 頭 道悠悠人生若浮古來賢聖皆成去留八眉四乳 隴 依然風烟滿目孫登默坐對私阮而無言王霸幽居聊度日以為好忽經年而忘返西窮馬谷北達牛溪 抽 殷憂一世零落千秋暫時南面 短思 終焉仲長統之規模園林幸足獨居南渚時 即為賦云 相將 北遊玉殿 金 遊 與 顏 邱

費 年之將相五百里之公侯兢兢業業長思長憂昔怪燕 崑崙山之上頭不得輕飛如石燕終是徒勞乗土牛已矣 與漢武今識圖仙之有由人誰不願直是難求聞鼎湖 縱心而長往任物孤遊遺情直上覺老釋之言繁恨文宣 欲信怪橋山之處修玉臺金闕大海水之中流瑶林碧樹 欽定全唐文 卷一百三十 世事自此而可見又何為乎惘惘棄卜筮而不占余將 日於千儀易勞心於萬象審機事之不息知澆源之寖 章生有資而必養嗟大道之泯沒見人情之委枉禮 卷彼事業之遷斥豈明神之軍掌物無往而咸章一 王横 而

砢 埃 乎請息交而 飛情於霞道振 而 = 而 相 事而 邈 起複嶂環紆歷丹危而尋絕 通 扶 烟 覩 若 不 和森沉於絕間, 搜羅 微 朝瞿曇六年而遐想有是夫況吾之不如 朝 而 微而 自逸 元宫而 魚 續古藤曳紫寒苔布綠洞裏窺書嚴 何為而 聊 不 習靜而 調紫 屬眷然引 烟 视 晃朗於高嵎自謂摶風驗而衢重林合沓以齊列崩崖磊 都 在 爲 網 碧蘇之下清溪之曲 生物能 領兹馬 娱送披林 徑攀翠險而見修塗 隔精 頓足 越進陟鼓 步擁 靈惚怳 望 石 隱 而

渤 薜 對 隱淪乃有上元仙骨太清神手走電奔雷転空時朽河閒 逸客值蓬萊之故人忽據梧 而策杖亦披裘而負薪荷衣 側 饮 定全害文 卷 百三十 之業不齊貫淮南之術無虚受咒動南箕符週北斗偓佺 况 石室幽藹沙場照燭松落落而風迴桂蒼蒼而露澤月未 帶黎杖葛巾出芝田而計畝入桃源而問津昆山若 乃幽谷藏真傍無四鄰紫房半掩元壇尚新逢閱風之 局髣髴靈蹤依稀仙躅竈何代而銷金杯何年而溜 解揚塵栽碧奈而何日種瓊瓜而幾春自然說異非徒 而先陰霞方昇而已旭喜方外之浩荡歎人間之窘束 王績 礪

為 此 紛吾人之狹 金 世 É 藥麻 事 物 之易 而自輕昔時君子曾聞上征忽逢真客試問仙經談 世何處逃空假使遊八洞之金室坐三清之玉宫長 珠流 彼 天長地久顧瞻流俗 佛過 赤城與元國豈憑虚而構窟但水月之非真譬聲 就敘三英之可成状 姑送酒青龍就食於甲辰元十自物於乙丑永 玉結雪耀 見攪羣 矣劉向吁嗟葛洪指期繫影依方捕 霜 疑而自拂使 明成謂刀主暫進足使雲車下 紅顏白首備干歲之可營亦 丹鑪 投足而成安亦何為乎 而調石髓蔓翠釜而 風 誰 出 懷 能 迎 何 九

重於絕壑雲拳遇甲而重聚霞壁龍鱗而結絡水出浦 欽定全唐文 卷|百三十 乗流伊林硼之虚受固热隱之俱託逢故客於中溪遇還 間 潺 經 陶 敞茅軒而待曙爾其雜樹 斯馬獨遊屬天下之無事遇山中之可留聊將度日忽已 企羨豈出樊籠徒勞海上何事雲中昔日蔣元訓之三徑 開或潜山鼓咸遂性而同樂豈遠方而别守余亦無求 海霧含川而漠漠是忻是賞爰遊爰豫結離幌而迎宵 秋 湖明之五柳君平坐卜於市門子真躬耕於谷口或託 菊花兩岸松聲一邱不能役心而守道故將委運而 相糾長條交茹葉動猿來花驚 王績 而

鳥 風 南 市察俗 吹我襟 已組 橊 浦 窗 去 左關 起公子之殊賞談王孫之遠慮山水幽尋風雲路 洙 四 烟 帶青 峼 生 北 信 菌 松 删 林 詩 兹花 衿 閣 也號此兄 柏葉之醇 鳉 依 山之奥域昔吾兄之所止 閲 溪通 斜臨石當階而虎踞泉 忽 邱壑之 焉 練字 鏘 經 艇 正 孔仲 四 史 儗 子淹 六生 康成貧笈而 階 町 新 庭 趣 鳳 經於 禮 翮龍骨之素琴白牛溪 近隋 縱 末 樂 日 江 地 餘守 生 湖之舊 度 徒 相 卷道 許 繼 牖 如門不 祀 心道集吾 申 而龍吟月 人仕梓 根 昨人多已 弟 矩避 1 业 摳 業 似 衣 張 尼 溉 深 趨隱邱 超 而

蓄奇聲而待旦旅人小吉明夷大難建功則鳴鳳不聞 院宇風烟昔文中之僻處該遭時之喪亂局逸步而須時 環 猶 達慷義百 邀成千紀木壞山預舟移谷徒北岡之上東嚴之前講堂 钦定全唐文《卷一百三十 念昔日之良遊憶當時之君子佩蘭蔭竹誅茅席並 籍忘懷憂喜時挾策而驅羊或投竿而釣鯉 稱慨太數 在碑石宛然想問道於中室憶橫經於下筵壇場草 方莊周薛庭妙言理也 觸石橫放逢流同僻方之仲由薛收以理觸石橫放逢瓶原温彦博京兆杜淹等十餘人稱為後額唯河南董恒南陽程元中山賈瓊河南薛門成關里姚仲由之正色薛莊周之言理 王績 觸石橫肱逢流洗耳取樂 為俊額而以之言理此 何圖 姚太人溪 義山常之 日

好溝塍於鄉國十 地迴心 館載步前楹眷眷長想悠悠我情祖豆門人於廊廟座夫子於住城死而可作 門人於廊廟座夫子於住 絲 遇中十 獲麟為斷惜矣吾兄遭時不平殁身之後天下文 憶昔過庭童顏雅齡何賞不極 聲沒 而掩 行諡 於為 時文 而 抑 師姑射之西正是汾河之北慢矣懷抱歌地迥心遇山高視直望烟火於桑極抑指歸途而欺惜往往溪横時時路垂 余中不 因子朽 遊及知 **业皇**何所曾 **魔命三吾** 故門年兄 豆 何時復生式 衣 迹人卒仲 盖多於淹 冠 傷至鄉以之 賢輔時業 塞之而年十 明

欽定全唐文 卷一百三十一 都 憔悴傷貧操井臼而無樂歷山河而苦平豈如我家生事 合和保真宣若馮敬通之誹世趙元淑之尤人殷憂恥賤 風 巴喜舊知山裏絕塵埃登高日暮心悠哉子平一去何時 天地遂閉雲雷漸屯與沮 不秩子敬先亡公明早卒余自此而浩蕩又逢時之不仁 緇 元古坐偶昌長容北海之嘉逃許南山之不臣養拙辭官 盧葉置不念當歸寧圖遠志坐青山而非隱遊碧潭而 於欄戶詠秋月於山局北窗照雪南軒聚螢採衣扇枕 布問經何斯樂之易失修銜哀而站恤天未悔禍遭家 王績 湖而同趣共夷齊而隱身幸收

茅 地 邱 返 寂 所 緍 漿 圊 仲 寞而 散 負 鏡 數 木麨 幽棲之次或抱 叔 駅山 鍤 誕窟室 寬人生豈 長遊遂不來幽蘭獨夜之琴曲桂樹凌晨之酒 四山為險 春前 森 祀葉煎羹 精 沉 路 刀 腰 徘 驅 縱 而 鐮歲抄草漸密 徊坐等枯木心 木魅 無人嶺時平而 犢 飲 横 松 根 河 而 而 泉繞砌而魚曜樹 窈窕 知 溜 新來乍聞 足 醥 果 旣 野亭鶴 採 而 如 必安 有 饒獸 雞 藥 死 地石菌抽葉 爽 而 而 灰 始 山 樹 為食諒随情 亦有山羞 横窗 至雚蛙 梁雉鷕遠 彌 何榮於拾 深 而 而 金芝 鳥 足 野 鳥 遊 兩 क्त 饌 杯

一生壇賦成鼓吹詩如 友於盃按弄兒童於襁褓樂山澤之浮遊笑江潭我有懷抱蕭然自保古人則難與同歸紛吾則此我有懷抱蕭然自保古人則難與同歸紛吾則此坐壇賦成鼓吹詩如彈丸攜始眸之鳴鶴對新婚 園 戒! 澗 友 不 亦 蔬 何羨於還丹 非伎 盤 佛 送 阮 非 紅藜促節之杖 媚 籍 生谷寒楊 道 邱陵阪隰之桑棗接果移棠栽苗散保古人則難與同歸紛吾則此焉將如彈九攜始睟之鳴鶴對新婚之伯生谷寒楊柳則條垂銀沼杏樹則花 無譽無功形 华山澤之浮遊笑江潭之枯棹 劉伶而甚歡曉入柴戶暮 綠釋班文之冠野餐 例對新婚之公 散 花 伯 將 槁 朋

欽定全唐文 卷河三上 鷰 僅有白頭四皓 配眉八公小童乗日仙人馭風 農 愚公谷中 龍星掌歲鳳律移灰弱條垂柳殘花落梅鶯候媛而初 頭 農身與世而 瞻視銅雀臺何兹會之微薄識自然之寒暑恒連 處統翠檻而對語還將擇木之意自見安巢之所昔 排寒而始來為玉戶之全掩喜珠簾之半開出入金龍 安鳥邦 鷰賦 君則車邊畫熊心期 相棄賞隨山而不窮披衣竈北逐食墙東 闇合道祈潜同解來相 鄉老則 栖 .呻 秋

差池羽翼漢黨胡朋丹頭素臆並忘情而馴擾俱順時 是吳官遭火焚達海上之新伴憶秋前之故羣頡頑騫 壁深集間簷高路直匪恆遂宇誰矜杏梁網羅是避鷹 動息止喚延則依廬表德避戊巴而銜泥接雲霞而求 居屋桂棟蘭芬今來舊地谷變陵分若非歷陽隨水沒 歌肆押燕姬之舞行聲喧葉序影亂花外故能萬爪蒙識 阿房紫樓青觀金閨玉房何歲不集何年不朔紫趙女之 風詩入喻傳石璽而無疑宿瑶筐而不懼位列司分之 防被宗類之繁行實軒庭之末光若乃漢家温室秦帝 王鼓

一多定全唐文 卷一百三十 從眷鳴鐘列鼎想藜藿而移交不與驕期遂忘昔時之好 後發應以左貂右蟬樂冠東省掌壺負頭望重南宫朝 名擅高禄之賦亂曰昔窥前殿花飛絮迴今遇上苑馬度 鴻來光陰遊代摇落悲哉眼看巢戶還應北開 久承所撰隋紀為寫成畢前舍弟及家人往並有書借成 不見付豈連城之珍俟楚文而乃進崩山之操待鍾期 僕遭逢明聖接避邱壑幸悅堯舜之風得全箕頼之操 揮損讓增價往來青瑣步頓生光豐屋華粮願達 蒿而 與陳叔達重借隋紀書 而

鱗 也還使請致無再三王續白 之始乞於大業之初咸亡兄點竄之遺跡也大業之後 兄芮城當典著局大業之末欲撰隋書俄逢喪亂未及終 子孫方復固其緘騰嚴其局鍋天下之望豈如是乎僕 峢 偷欲使明鏡一時覆車千祀故當胎諸好事豈擬唯傳 僕竊不自揆思卒餘功收撮漂零尚存數帙兆自開 羽宛若承顏望觀述作於然得意足下裁成國典褒貶 心期所託吾道遥存而出處離異儀刑難接所以願 然僕雖欲繼成無可憑採以此尤思見足下之所 王演 作

時來北山兄弟以俗外相期鄉間以狂生見待歌去來之 為日已久淵明對酒非復禮義能拘叔夜攜琴唯以烟霞 自適登山臨水逸矣忘歸談虚語元忽焉終夜解居南渚 承 月 金ダニたう、オニュニニ 年則拍葉為樽仲秋則菊花盈把羅合宅內自有幽 不覺情親詠招隱之詩唯憂句盡惟天席 日博士陳龕至奉處分借家禮并帙封送至請領也 走相知不熟也下走意疎體放性有由然兼棄俗遺名 相招講禮聞命驚笑不能已已豈明公前眷或徒與 答刺史杜之松書 地友月交 又

揖 能矣亦將恐勢狗貽夢樂社見嘲去矣君侯無落吾事 数叢孫綽庭前空對長松 於定全 甚之一卷一百三十 左夫三年之喪情理之極有正有義因事之作也正服線 旨類曾恭習雖因於荒晏猶憶於異聞謹因還使條申如 同志者為羣不知老之將至欲令復整理簪屬修束精神 月日任史楊方至奉報書兼枉别帖垂問家禮喪服新 五道度情振理探幽洞微誠非野人所敢酬析但先人遺 讓邦君之門低昂刺史之坐遠談糟粕近棄醇醪必不 重答杜使君書 王績 樹高吟朗嘯挈榼攜壺直與 左

有家相承繼體血祀長存大宗小宗較然有别繼祖繼有長子無預祖禰不為服斬義亦可知但古之君臣有 繼之為小宗此四代則遷之宗承百代之重且得不為其 别子為祖父繼之為大宗百代不遷之宗也已父為禰 以見志有何怪焉至如父為長子獨施斬服蓋以所承者 タラベチ 三升而已至於義服加其半焉豈非義有離合之理情 情寄特深非唯親親且尊尊也至於庶子已不承尊 奪之法然親尊罔極冠受可均切至或殊線加其半微 ジューラニーニー 故曰天子不絕國諸侯不絕家貴人之宗也故 禰

欽定全唐文《卷一百三十 私室至如沉沉耕者悠悠點首族姓猶不能自辨何暇及 家亡 庶子即古之别子也别子之庶子即古之小宗也雖國破 無其實而尚有其名故以始受封者猶古之諸侯諸侯之 使無逆於古且令可行於今以為今之封爵頗存古號雖 廢雖有其禮將安所行逮乎晉末中原大亂骨肉至親 之弟無預祖禰庶子之義施此而已自秦漢以來家國道 長子斬乎為四宗之祖亦且得不為其長子斬乎唯繼 朝遷市變譜牒存錄宗次可推成可一依古禮行之 保祖禰之序知何以明故僕先君獻公因事起義欲 王横 夫

肯明後來之失敦人倫之源睦伉儷之道也夫何病哉 服有何異乎列之正服斯為當矣此先君獻公探記傳之 之義也違道棄義又何述焉苟全道義則天親也天親 為首焉故傳曰妻至親也一體之名均於天性故妻之於 不可而乃疑乎至若夫妻之道誠為義合而家道之睦斯於宗庶之事乎此古之先王所以不下禮於庶人也有何 也一齊而不易如至失禮而出違妻之道終喪而嫁棄 也其服日斬蓋移於父母之重馬夫之於妻也暮而有 則喻於兄弟之功焉前賢往達曾無異議故曰妻者齊

情義之極俱終於斬此其無升降明矣但禮之為用緣情 者父子夫婦之類是也有以義作者君臣夫妾之類是也 臣之際不如夫婦之情乎斯不然矣何者夫禮有以情作 執夫父以正服也理者義也此臣妾所以存大節而申君 欠自自身と 凡 愚者而忘其妻子乎理者人之大節凡聖之所異也孰有 以至理因内以及外情者人之深心愚智之所共也孰有 公又云君臣夫妻俱以義合而妻為正服臣為義服則君 生而忘其臣妾焉故情者正也此妻子所以荷深心而 以義服也故夫正義之作殊情而共禮也孰謂君臣之 王綾

為長某昔在隋末又當見諸賢講論此矣近者家兄御史 義均也故情義之服有正焉有義焉正義之禮無厚焉無 與王杜各申本見由兹紛雜後莫能定然詳諸記義王杜 於夫婦有偷有要夫何籍疑至如三獨之服禮有明文鄭 薄焉此妻為正服所以無害於君臣臣為義服所以不 之君子常度情以處斷義而行矣義可奪情衛石碏不能 亦編諸賢之論繼諸對問今錄此篇附往幸詳之也至如 存其子情不害義官之奇得以其族行故曰情義殊也情 友白月了一大二十三十 而謝夫婦之情乎孰謂夫婦之情而厚君臣之義乎古 傷

為重於子妻之服失禮之差此則袁準之義也夫禮雖 也故不嫌於越巴子之妻矣輕陳末學豈能詳究又於嫌於與巴子同服矣旁尊不敢以厭降蓋避正尊而自 其妻亦小功惟王肅以為喪服之例旁等皆執明公以 亦為義屈故有從無服而有服者亦何嫌乎兄弟之子 越巴子之妻乎故曰兄弟之子循子也蓝引 方奉口處分借王儉禮論門庭所蓄先無此書往於處 服春其妻小功兄弟之子猶子也其服亦春先儒 融處曾見此本觀其制作動多自我周孔規模十 王績 而致之

多 庆全 唐文 卷 百三十 數百步古人云河濟之濱宜泰況中州之腴乎家兄鑒裁 送王君白 存一恐不足以塵大雅君子之視聽也尋問儻獲當遣祗 有凉風暫至自謂是義皇上人嗟乎適意為樂雅會吾心 忽同過除合散消息周流不居偶逢其通便可卒歲陶 乖别前爾巴十餘年誦采葛之詩增其既咏夫人生一 吾河治間有先人故田十五六項河水四繞東西趨岸各 云富貴非吾願帝鄉不可期又云盛夏五月跂脚北窗 答馮子華處士書

俗 頭 屋 酒 預者已五六歲矣親黨之際皆以山康野應相畜性皆琴 通 **鴈廣牧雞豚黃精白术枸杞薯蕷朝夕採掇以供服餌** 外相待不拘以家務至於鄉族慶弔閨門婚冠寂然 得盡 素書數帙莊老及易而已過此以往罕嘗或披忽憶 利 并廚廢總十餘間奴婢數人足以應役用天之道分 照知吾縱恣散誕不開拜揖糠 則渡河歸家維 耕耘碼莪恭林而已春秋歲時以酒相續兼多養 所懷幸甚幸甚近復都盧東家獨坐河渚結構 舟岸側與盡便返每遇天地晴朗則 料禮義錙銖功名亦 弟 牀

欽定全唐文 卷一百三十 相 瀛 極樂戴星而 有地矣近復有人見贈五加地黃酒方及種薯積枸 中詠大謝亂流趨孤嶼之詩渺然盡败澤山林之思覺 性思若有神自作素琴一張云其材是學陽孤桐也近雖是異名教物然風月之際往往有高人體氣兼特受 唱和也孤住河渚傍無四鄰聞雞犬望烟火便知息身 洲方丈森然在目前或時與舟人漁子分潭並釣免 用之有效力省功倍不能 相過安彰立柱龍脣鳳翮實與常琴不同發音吐 歸歌詠以會意為巧不必與夫悠悠之間 服修渾池並常行之裴 杷

亭操盖孔子龜山之流也吾當親受其調頗爲曲盡近 使足下為鍾期良用耿耿吾所居南治有仲長先生結卷 風 獨處三十載非其力不食傍無侍者雖患看疾不得交語 生琴更習其操洋洋乎覺聲器相得今便留之恨不得 神肅肅無俗氣攜酒對飲尚有典刑先生又著獨遊 常和朗吾家三兄生於隋末傷世櫻亂有道無位 瑟真不可言壯哉邈乎揚班之傷也高人姚義皆語吾 河渚先生傳開物寄道懸解之作也時取翫讀便復 相忘吾往見薛收白牛溪賦韻趣高奇詞義曠遠差 王績

寫 湖海之士才堪濟世王者所須所恨姚義不存薛生已殁 志於禮樂元首明哲股肱惟良何慶如之也夫思能獨放 漸亨天災不行年穀豐熟賢人充其朝農夫滿於野吾徒 房李諸賢肆力廊廟吾家魏學士亦申其才公卿勤勤有 江海之士擊壞鼓腹輸太平之稅耳帝何力於我哉又知 河渚獨居賦為仲長先生所見以為可與白牛連類今亦 使雲羅天網有所不該以為嘆恨耳吾比風痺發動常 日薛生此文不可多得登太行俯滄海高深極矣吾近作 本以相示可與清溪諸賢共詳之也亂極則治王途

賞治與窮還歸河渚遂室甕牖彈琴誦書優哉遊哉聊以 景意甚樂之箕踞散髮與鳥獸同羣醒不亂行醉不干物 劣不能住然烟霞山水性之所適琴歌酒賦不絕於時時 暫忘偶因南風略示所懷敬願珍厚不一一王君白 遊人間出入郊郭暮春三月登於北山松柏羣吟藤離翳 年事久矣有以見天下之通趣識人情之大方語點紛雜 徐道士至獲書詞義懸切具受之也吾當讀書觀覽數千 歲首夏漸熱足下何如也願動息多宜黃順之聚何時 答程道士書

忘仲尼所以無可否於人間莊周所以齊大小於自適是 欽定全唐文卷百三十 老子曰同謂之元而乗關西出釋迦曰色即是空而建立 之心一為足下陳之昔孔子曰無可無不可而欲居九夷 其所同非其所異馬可勝校哉故吾師曰莫若俱任而 諸法此皆聖人通方之元致宏濟之秘藏實寄沖鑒君子 人之通而吾欲自適其適非敢非足下之義也且欲明吾 不出其位道有不同不相為謀蓋為此也足下欲使吾適 神而化之使人宜之百姓日用而不知也夫君子所 非消亂夸者死權烈士殉名貪夫獨財品庶每生各是 思 兩

蹊 者非他也順 湛 違 飲定全害文

老一百三十 天夢為魚沒於泉言適之不可違也吾受性潦倒不經 則 班老子日夫無為者無不為也釋迦曰三災彌綸行業 適而求無關雖有神萬將獨奈何故曰島脛雖短續之 分則何異而不通苟違其適則何為而不閱故夫聖 期於事外豈可以言行詰之哉故仲尼曰善人之道 悲鶴脛雖長截之則憂言分之不可越也夢為鳥哭於 不易方順適無関故能遊不擇地其有越分而求皆 一氣常疑事吹成萬萬殊雖異道通為一 適無関之名即分皆通之謂即分皆通故能 王横 重 故各寧

每 身故常縱心以自適也而同方者不過一二人時相 並棄禮數箕踞散髮元譚虚論兀然同醉悠然便歸 明六經吾當好其遺文以為匡扶之要略盡矣然峄 屏 聚散之所由也昔者吾家三兄命世特起先宅一德 形骸所資河中黍田足供歲釀閉門獨飲不必須 揆審矣必不能自致台輔恭宣大道夫不涉江漢 以俟伯牙烏號之弓必資由基若非其人道不虚 醉便覺神明安和血脈通利既無忤於物而有 獨處則蕭然自得接對賓客則於然思寝加性又 偶 都

哉夫子勉建良圖因山僧還略此達意也王君白 吾頃者加有風疾劣劣不能住但欲乗化獨往任所遇耳 制 足下者可謂身處江海之上心遊魏闕之下雖欲行志 次至全書文一十五百三十二 坐馳若以此見輕議大道將恐北轅適越所背彌遠 述未當復窺何况百家悠悠哉去矣程生非吾徒也若 能復使離婁役目契后勞精休心蔽焉以物為事也弱 方舟不思雲霄何用羽翮故頃以來都復散棄雖周 王岭 至

飲定全唐文 卷一百三十二 目錄 君平賣卜賛	陳平分社肉養萬王璧賛	項羽死烏江賛	子推抱樹死賛	王續二

ulia, reserve

|--|

		為李密與袁子幹書	為李密與高祖書	祖君彦	為高祖報李密書	温大雅	欽定全唐文《卷一百三十二 1
--	--	----------	---------	-----	---------	-----	----------------

行徐徐與鳥獸魚鼈雜處不知有舟車器械之用昔者黃其人甚精無愛憎喜怒吸風飲露不食五穀其寢于于其 醉之鄉去中國不知其幾千里也其土曠然無涯無邱陵 阪險其氣和平一揆無晦明寒暑其俗大同無邑居聚落 帝氏皆獲遊其都歸而杳然喪其天下以為結繩之政已 欽定全唐文卷一百三十二 薄矣降及堯舜作為千鍾百壺之獻因姑射神人以假道 次に上上 と一年三十二 王旗 王績二 醉鄉記

蓋至其邊鄙終身太平禹湯立法禮繁樂雜數十代與醉 金なるたうショニニニ 鄉隔其臣義和棄甲子而逃冀臻其鄉失路而道天故天 於醉鄉沒身不返死葬其壤中國以為酒仙云嗟乎醉鄉 職典司五齊拓土七千里僅與醉鄉達焉故四十年刑措 氏之俗豈古華胥氏之國乎其何以淳寂也如是今予將 之爱道者亦往往竊至焉阮嗣宗陶淵明等十數人並遊 不用下逮幽厲迄乎秦漢中國喪亂遂與醉鄉絕而臣下 而望卒不見醉鄉武王得志於世乃命公旦立酒人氏之 下遂不寧至乎未孫桀紂怒而昇其糟邱階級千仞南向

惜哉智淺琴聲不防 焚林抱木而死誰明此心 晉侯棄舊功臣永吟情隨地遠怨逐山深追兵斷谷烈火 遊馬故為之記 飲定全事文·卷一百三十二 王續 銜易水報秦皇精心貫日七首横霜欲持兩閒生擒 項羽慷慨臨江問津馬贈亭長侯封故臣何為不渡自取 荆軻刺秦王賛 子推抱樹死贅 項羽死烏江賛 Ŧ

無驚爣安天下還如此平陳公主社割肉領生心忘厚薄信若權衡風期有素父老無驚爣安天下還如此平原平分社肉賛 秦人市實厥價從名蘭生詭說其心則貞清齊抱憤身睨 君平不仕賣卜窮年日裁數局常收百錢道實兼濟功非 亡身八千子弟今無一人 蘭相如奪秦王壁賛 君平賣卜賛

老菜父母白首同歸欣欣愛養懷懷無違宛轉兒戲斑 金流世無堯舜誰當見求 甯生不遇商歌飯牛夜長難晓人生若浮寧惟石爛觀都 孟光得擇梁鴻有妻琴書自逸邱壑同棲五噫絕賞雙眉 絲衣篤哉孝思心精且微 獨全用吾言者今過半焉 衛戚打牛角歌賛 老菜養親賛 梁鴻孟光賛 襴

嵇 曜骨此猶知報而況吾人 隋侯報德於傷育鱗靈蛇感惠效力輸珍月華浮物星光 獨齊續匡采具相將共攜 欽定全唐文 卷|百三十二-分爐箕踞而坐何其傲乎 康自逸手銀為娱曲池四繞垂楊 牙揮手奇聲絕倫鍾期妙聽是謂窮神六馬仰秣丹 伯牙彈琴對鍾期賛 嵇康坐銀賛 蛇街珠報隋侯賛 王綽 株銅烟寒竈鐵

聳鱗崇山流水知音幾人 踞 棲遲養老寂寞何為地接皇澗溪連灞池釣舟始泊漁竿 免責而已天子不知公卿不識四十五十而無聞焉於是 樂辱不計利害起家以禄位歷數職而進 半垂君王先兆還應見知 王續者有父母無朋友自為之字曰無功焉人或問之箕 不對蓋以有道於已無功於時也不讀書自達理不知 自撰墓誌銘 太公釣渭濱賛 王墳 階才高位 7

潰離 東皐子始仕以醉儒罷鄉人或謂之東皐子不屑也退署 空對長松 有唐逸人太原王續若頑若愚似矯似激院止三逕堂唯 死之日自為銘馬日 敏定全唐文 卷一百三十二 四壁不知節制焉有親戚以生為附贅懸疣以死為決疣 坐若無所據鄉人未有達其意也當耕東鼻號東鼻子身 歸以酒德遊於鄉里往往賣卜時時著書行若無所之 無思無慮何去何從境頭刻石馬戲裁封哀哀孝子 無心子傳并序

無心子不應機士曰願受教無心子曰爾聞蜚廉氏之馬邑而遇機士機士撫髀而歎者三曰嘻子賢者而以罪廢 欽定全唐文人卷一百三十二 說乎昔者蜚廉氏有二馬一者朱戴白毳龍骼鳳臆驟 行間於王王點之無愠色退而將遊於茫蕩之野適績之 若而從越國之法日有穢行者不齒俄而無心子者以穢 無心子寓居於越越王不知其大人也拘之仕無喜色泛 善善 舞終日不釋鞍竟以藝死一者重脛昂尾駝頸貉膝 心子以見趣焉 **蹶棄而散諸野終年肥遁是以鳳凰不憎山棲蛟** 王績 五.

朱者丹附墨者黑蓋累漸而得之也今吾子所服者道而 吾子何莫也薛生日叟何為者而徵吾嘆員苓者日夫麗 義氏乎何詞之多也俄而有到答者皤皤然委擔而息日 昔者文中子講道於白牛之溪弟子捧書北面環堂成列 猶有嘆是六腑五臟不能無受也吾是以問薛生曰收聞 講罷程生薛生退省於松下語及周易薛生嘆曰不及伏 不羞泥蟠君子不苟潔以惟患聖人不避穢而養生東鼻 子聞之日善矣盡矣不可以加之矣 **頁**答者傳

序其不行乎百物其不生乎萬象其不森乎何營營乎而 費畫也自伏義氏洩道之密漏神之機分張太和磔裂元 相摩遠近相取作為剛柔異同之說以駭人志於是智者 氣使天下之智者詭道迸出日我善言象而識物情陰陽 钦定全唐文 长二年三十二 王續 文王乎負其答而行追而問之居與姓名不答而去文中 氏病甚者也昔者伏羲氏之未畫卦也三才其不立乎四 之師易者道之藴也伏羲氏畫八卦而文王繫之不逮省 久矣以為文王病也吾是以獎到答者曰文王焉病伏義 知而太朴散矣則伏羲氏始兆亂者也安得贏嘆而嗟

賣藥為業人莫知之也汾陰侯生以益者因游河者一睹 子聞之曰隱者也 之彈琴餌藥以終其世文中子比之虞仲夷逸 喻識者有以知其懸解也人有請道者則書老易二字示 無室廬絕妻子開皇末始結庵河渚閒以息身焉十餘年 先生諱子光字不曜自云洛陽人也往來河東備力自給 而 ヨグご人 生解以疳疾未嘗交語著獨遊頌及河渚先生傳以自 伏日東方朔管輅不如也由是顯重守令至者皆親謁 仲長先生傳 ファイニーニー

斗因以為號焉先生絕思慮寡言語不知天下之有仁義往往必醉醉則不擇地斯寢矣醒則復起飲也常一飲五 著論途何為窮而阮籍慟哭故昏昏黙黙聖人之所居也 遂行其志不知所如 有五斗先生者以酒德遊於人間有以酒請者無貴賤皆 不能繁心馬當言曰天下大抵可見矣生何足養而嵇康 厚薄也忽焉而去倏然而來其動也天其靜也地故萬物 工具 工具 祭處士仲長子光文 五斗先生傳

歳 明道若珠進道若退鳥飛知還龍亢必悔嗟嗟夫子理融 若休鄉黨不懼朋友不憂素琴猶在黃經尚留老萊不婚 聊同聚散亦均寒暑大矣夫子其生若浮至矣夫子其死 養正以蒙嗟嗟夫子允執其中不見其始孰知其終蕩蕩 其内不忮不求無憎無愛古人有言微妙元通藏用以密 滿堂莫為之守凡我故人素服臨旃葛巾從室桐棺以遷 梁鴻難偶筵無饋奠室無箕帚嗟嗟夫子豈圖其後金玉 心跡悠悠黙語周覽人事退居河渚何去何從誰求誰與 欽定全唐文·卷一百三十二 月日降人王續謹以魚體之奠敬祭仲長先生之靈

城主喪如何勿思我因行役歷子荒祠壯山河之舊壤歎 歲月日謹以清酌之奠敬祭夏忠臣關生之靈曰聖貴達 次定全事之 长百三十二 墳隧之餘基松枯柏悴草密苔滋託深悲於薄醑魂有靈 節賢貴識時與亡有運用捨有期憑河暴虎前哲所嗤身 神其歆止 墳不易隴坎不及泉苟無怛化於何問天道性既喪仁善 蜂起祭非古也禮之為始吾從其俗敢告夫子清尊薄莫 而饗之 祭關龍逢文 王績

森羅都邑未建鳥獸獨多茹毛飲血巢居穴窠天地不交| 歳 庶蘋繁之可羞伏惟尚饗 少留昔時慷慨神輕九州今來寂寞魂辭 有素仰前哲之清猷同聲必感異代相求如至誠之見接 すりでノニアラニュー 懷二子之高烈背嵩岳而來遊挹干載之遐軌登箕峯而 而猶在精誠冥冥而遂幽山荒廟僻地古松秋吾鄙懷 月日敢以清酌之奠敬祭先生之靈日兩儀判關萬象 祭杜康新廟文 登箕山祭巢許文 一邱英蹤落落

昏主作式刑罰不中認淫罔極吁嗟世道一至於此達 欽定全唐文《卷一百三十二 保真以此避世於今幾人我瞻前說功高受賞嗟嗟先生 眷兹酒德可以全身杜明塞智蒙垢受塵阮籍遂性劉 其義可想肇基麴蘖光開祀饗大禮斯備羣賢就養敢 奚 以禱為轉為洗萬神以降三獻成禮法成必弊文盛則華 人靈未和智哉先生爰作甘體上配百年下主五齊以晏 觀貴和其禮與制於物寧在於已乘流則逝遇坎則 仲斷輪馬知覆車禁約七國義和喪家周公作語迺防 邪我聞古時王道正直賢人君子凝身浴德降及中 王帧 九 世

守太原與寂情契最密太宗與劉文靜建大計因寂以白 寂字元真蒲州桑泉人隋大業中為晉陽宮副監高祖 高祖既登極拜尚書右僕射封魏國公進司空貞觀初卒 掃地而祭神其亭之 河曲建爾靈祠前臨極岸卻就長磯茅茨不翦采樣不治 臣聞天下至公非 年六十贈相州刺史工部尚書河東郡公 裴寂 勸 進疏 姓之獨有聖人達節與萬物而推 留

故五運遞與百王更王春蘭秋菊無絕於古玉疏石記筆 炭跡之仁壽逢百六之厄創業雲雷追三五之蹤財成天 真固縱惟神生知乃聖量包乎宇宙智周平品物羣生塗 地仲夏之半龍躍晉陽孟冬伊始鳳翔灞上鴻志蜎毛之 漸南詣交趾北愛幽都躬未成衣手不提愈機務成於雄 欽定全唐文、卷一百三十二 斷人傑得於才子威加四海功出 撫檢而陪麾成秦豪傑連巴蜀而響應英聲西被想德東 舌紛綸垂統有光煥乎實驗伏惟陛下資靈種德稟慶至 反者霧委來庭觸柱拔山之大盗風馳獻数三晉子弟共 門計極萬安戰窮百

起兵西北勢合乗乾我來自東位當出震至八井深水之 誠散誠喜頓首頓首死罪竊以陛下承家開國積德累功 圖識堂堂李樹之謡歌固以備在人語無德而稱者也且 之國靡不則天星紀云周奉時圖始甲子之旦不俟而脫 世濟擬於高陽續緒盛於周武載誕燭神光之異儀形表 夫體非常之道立非常之功實非常之人有非常之事不 斯撥亂若兹之舉如兹之速載籍以來未之前聞也臣等 五勝之奇白雀呈祥丹書授歷名合天淵姓符桃李君堯 小往大來算無遺策時未期月業倍前王今古代與膺

時正位人神行式天命不常惟德是與遷虞事夏抑有 **饗稷高播穀之都餘慶商周阜陶好生治人今興陛下盛** 規臣等敢録舊典奉上專號當今萬機曠主九有困窮伏 聲符命所鍾有自來矣願納縉紳樓樓之情允副億兆欣 德有後其若是平四相三王齊名踵武千年得 就樂推憂黎庶於時雍配上帝於宗祀勿以王者兼濟之 願降鑒回慮憂世外已上順天心祗膺允執俯從人願屈 功而為匹夫獨美之操昔之堯佐成代天工績尤著者允 欠らしまして、失うられ 之望率土更生含靈幸甚臣等誠惶誠恐昧死以聞 装寂 相繼

右僕射 金万白馬うりまニーニ 首頓首死罪死罪 頃者崑山火烈海水羣飛赤縣邱堪點黎塗炭布衣戍卒 書太宗立轉禮部封黎國公卒諡曰孝永徽五年贈尚書 大將軍府記室參軍主文徽累拜陝東道大行臺工部尚 大雅字彦宏太原祁人仕隋為東宫學士高祖起義引 鋤棘科爭帝圖王狐鳴遙起翼翼京洛強考圍城無無 温大雅 為高祖報李密書

蕃塞共匡天下志在專情以弟相機而作一日千里雞 極買生之慟哭所以仗旗投被大會義兵級撫河朔和 成非賤素食當世個免切樂從容平勃之閒誰云不可但 地吾雖庸劣幸承餘緒出為八使入典八屯位未為高足 顛而不扶通賢所責主憂臣辱無義徒然等袁公而流涕 邦國淪骨未有如此之酷者也則我高祖之業幾墜于 此自貽伊戚七百年之基窮於二世周齊以往書契以 於伊川輦上無虞羣下結舌大盜移國莫之敢指忽焉 原僵屍滿路主上南巡泛膠舟而忘返匈奴北熾將 温大性

營屯敖倉酷似漢王前遣簡書屈為唇齒今辱來旨莫我 牧野所不忍言執子嬰於咸陽非敢聞命汾晉左右尚須 肯顧天生蒸民必有司牧當今為牧非子而誰老夫年踰 始報未面虚衷用增勞勢名利之地鋒鏑縱橫深慎垂堂 顧此中原鞠為茂草與言感歎實疚於懷脫知動靜遲 安輯盟津之會未服卜期今日靈興南幸恐同永嘉之 欽定全唐文《卷一百三十二 兆庶宗盟之長屬籍見容復封於唐斯足樂矣殪商至於 知命願不及此欣戴大弟攀鱗附翼惟真早應圖籙以寧 起舞豹變先鞭御宇當途車來中土兵臨郊解將觀周船

與兄派流雖異根系本同自惟虚薄為四海英雄共推盟 勉兹鴻業 主所望左提右挈勠力同心執子嬰於成陽殪商辛於牧 李密逼東都君彦為之草檄移郡縣密敗為王世充所殺 君彦齊僕射孝徵子院大業中調東都書佐檢校宿城令 野豈不盛哉 租君彦 為李密與高祖書 為李密與袁子幹書 阻君彦

宣王佐之十理追寇鄧之名當慕韓彭之氣何乃頓為殘 海岱南徹江淮三分宇宙二為我有公早發風雲之志獨 大造區夏振兹長策濟此橫流義勇如林雲合響應東窮 塗炭天下是以暴骨滿於原野積惡比於邱山莫不奮白 清古久事昏朝無乃勤悴夫福善禍淫實上天之常道兼 旄而誅獨夫仗朱旗而勒二世孤為海内豪傑共推盟主 百萬義師大會河洛因苦秦之衆乗厭紂之機共救着生 弱攻昧乃往哲之成規自昏狂嗣位棄德崇姦疲苦生民 欽定全唐文《卷一百三十二 久藉英風未由披覽其為眷行夢想增勞寒勢轉嚴比當

坐積薪靜言思之可為長歎秦則楊熊李由並從顯戮晉 賊迷復成凶竭力昏亂之朝盡節危亡之國同扶累卵如 於當年傳功名於後代知公素有赤誠思來歸義見機而 脫更遲疑必為人制王世充自守西洛前後四度摧翦死 作不容淹久今授公上柱國東平公告身隨送至宜檢納 欽定全唐文《卷一百三十二 祖君方 則苟晞王沒悉見強亡詎若微子去殷伊生歸亳擅榮寵 然白馬之津諸軍雲合船車下栗艦艦相尋足食足兵如 邀擊隻輪無返公之廳卒其數非多北顧西瞻何所憑賴 在朝夕翹足可見薛雄比從涿郡欲赴黎陽實建德逆往

窮於丹穴莫不鼓腹擊壞繁井耕田致之界平驅之仁壽 若納隍而愧之一夫有罪遂下車而泣之謙德較於責躬 憂勞切於罪已普天之下率土之濱蟠木距於流沙瀚海 自元氣肇闢厥初生人樹之帝王以為司牧是以義農軒 臨何處逃死吉凶二理幸自圖之故遣使指以宣往意 雜如虎四面攻圍千里接絕地不可入天不可登兵之! 項之后堯舜禹湯之君靡不祗畏上元愛育點首乾乾終 日翼翼小心取朽索而同危履春冰而是懼故一物失所 為李密樹洛州文

寧止虞號欲其長久其可得乎其罪 本枝文王表其光大況復愿壞盤石勦絕維城胥亡齒 亂甸人為聲淫刑斯逞夫九族旣睦唐帝闡其欽明百 曀 狐 未有暴虐臨人克終天位者也隋氏往因周末預奉級 定全唐文《卷一百三十二 以愛之如父母敬之若神明用能享國多年祚延長 明而之暉於干少陽之位先皇大漸侍疾禁中遂為 加以州吁安忍開伯日尋劒閣所以懷凶晉陽所以興 行鳩毒禍深於莒僕釁酷於商臣天地難容人神 而圖聖實法篋以取神器及續承到展狼虎其心 租君彦 也禽獸之行在 玉

窟室每藉槽邱朝謁罕見其身羣臣希視其面斷決自此 慮 復 首之賢翻見齊襄之恥逮於先皇嬪御並進銀録諸王子 食是以大禹不貴於尺壁光武不隔於支體以是憂勤深 之朝穹廬同冒頓之寢爵賞之出女謁遂成公卿宣淫 不行數奏於是停壅中山千日之飲酩酊無知襄陽三雅 聚應人倫之體别於內外而蘭陵公主逼幸告終誰謂數 女咸貯金屋牝雞鳴於詰旦雄雉恣其羣飛衵服戲陳侯 幽枉而荒湎于酒伊晝作夜式號且呼甘嗜野伎常居 綱紀其罪二也平章百姓一日萬幾未曉求衣是晷不 無

欽定全唐文《卷一百三十二 錦之麗故璿室崇構商手以之滅亡阿房崛起二世是以 **核陳諸史籍聖人本意惟避風兩詎待金玉之華寧須綈** 鋪玉戶青瑣丹輝蔽虧日月隔閱寒暑窮生人之筋力罄 外驚心遐邇失望其罪三也上棟下宇著在易爻茅茨采 驢自比商人見要逆旅殷平之譴為小漢靈之罪更輕內 傾覆而不遵古典不念前章一作廣立池臺多營官觀金 之盃留連距比又廣召良家充選官掖潜為九市親駕 天下之資財使思尚難為之勢人問知不可其罪四也公 田所徹不過十畝人力所供總止三日是以輕徭薄賦不 租君彦

廣積薪夠多備發鎮年年歷覽處處登臨從臣疲弊供 東海糜竺之家俄成鄧通之思其罪五也古先哲王卜征 郭空虚千里則烟火斷滅西蜀王孫之室翻同原憲之貧 千金之費父母不保其赤子夫妻相棄於匡牀萬戶則城 巡 屢燒漏危難滿頭會箕飲逆折十年之租杼軸其空日 将唐虞五載周則一紀本欲親問疾苦觀省風話乃復 農時寧積於人無藏於府而科稅繁猥不知紀極 苦飄風凍雨聊竊比於先驅車轍馬跡遂周行於天 之心未已周穆之意難窮晏西母而歌雲浮東海 猛

次定在唐人长一年三十二 海 於天地其罪六也遼水之東朝鮮之地禹貢以為荒服 強弩末失理無穿於魯縞衝風餘力詐能動於鴻毛石 吞不思長策夫兵猶火也不戢將自焚遂令億兆夷人隻 王棄而不臣示以羈縻達其聲教苟欲愛人非求拓土又 外夷不亂華在德非險長城之役戰國所為乃是祖 風非開稽古之法而追蹤秦代板築更興襲其基墟 日家苦納秸之勤人阻來蘇之望且夫天子有道守 而無堪雞肋啖而何 里遂使屍骸蔽野血流成河積怨滿於山川號哭 用而恃衆怙力強兵黷武惟在 祖君彦

ならんことにいうこうこ 射齊國公高頻上柱國宋國公賀若弼或文昌上相或 輪莫返夫差喪國實為黃池之盟持堅減身良由壽春之 癸之誅王子何辜濫被商平之戮遂令君子結舌賢人緘 規之美而愎諫違卜蠹賢嫉能直士正人皆由屠害左 絕若金須礪唐尭建鼓思聞獻替之言夏禹懸鞀時聽 力切齒 欲捕鳴蟬於前不知挾彈在後復失相顧髮吊成行義 功臣整吐良藥之言翻加屬鏤之賜龍逢無罪便遭夏 白日而比盛射蒼天而敢欺不悟國之將亡不知死 北士扼腕其罪七也直言敢沃王臣匪躬惟木從

次官百年と一見二十三十二 異商鞅之須金同項王之利印芳餌之下必有懸魚情 幸南北巡行東西征伐至如浩亹陪興東都守固関鄉 戰為門解圍自外征夫不可勝紀旣立.功熟須酬官爵 有言無信不立用命賞祖義豈食言自昏主嗣位每歲行 之酒遂使爽倫攸戰政以賄成君子在野小人在位積薪 志懷翻覆言行浮詭危急則勲賞懸授克定則絲綸不 將至其罪八也設官分職責在銓衡察獄問刑無聞 而錢神起論銅臭為公梁冀受黃金之她孟化薦補萄 一同汲點之言囊錢不如傷趙壹之賦其罪九也宣尼 租君彦

金万百月八美一下三十二 愁胚陽之陷且國祚將改必有常期六百殷亡之年三 海之波流惡難盡是以窮奇災於上國猰獅暴於中原三 重賞求人死力走丸逆坂匹此非難凡百聽雄誰不讎怨 至於匹夫蕞爾宿諾不虧況在乗與二三其德其罪 姬終之世故讖繇皆云隋氏三十六年而滅此則厭德 夫愚婦共識殷亡成知夏滅罄南山之竹書罪未窮決東 河縱封豕之貪四海被長蛇之毒百姓殲亡始無遺 於此未或不亡況四維不張三空總瘁無小無大愚 綫 而已蒼生懷懷咸憂把國之崩赤子嗷嗷 但

次定全唐文、是一百三十二 謀而同解不召而自至轟轟隱隱如霆如雷彪虎嘯而谷 革先天不違大誓孟津陳命景亳三千列國八百諸侯不 漢方知大亂之期王良策馬始驗兵車之會今者順人將 棘旅庭之事夏氏則災釁非多殷人則咎徵更少荤牛入 燒正陽日蝕狐鳴鬼哭川竭山崩並是宗廟為墟之妖荆 風生應龍驤而景雲起我魏公聰明神武齊聖廣淵備 象已彰代終之兆先見皇天無親惟德是輔況乃機槍竟 天申總謂之除舊歲星入井甘公以為義與兼以朱雀門 在躬包九功而挺出周太保魏公之孫上柱國蒲 祖君彦 艺

輔高帝上柱國總管齊國公孟讓柱國歷城公孟暢柱 東郡公翟讓功宣締構翼亮經綸伊尹之佐成湯蕭何之 飛之始大人豹變之初思試諸艱大敵彌勇上柱國 著 皇之業篤生白水日角之相便彰載誕丹陵天寶之文斯 公之子家傳盛德武王承季歷之基地啟元熟世祖嗣元 郡公裝行儼大將軍左長史那元具等並運籌千里勇 不道赤伏至自長安鋒銳難當黃星出於梁宋九五 加以姓符圖緯名協歌語六合所以歸心三靈所以改 文王厄於羑里赤雀方來高祖隱於碭山彤雲自起兵 タベスショラニアニニニ 司徒 龍 國

道 距投石之夫冀馬追風吳戈照日魏公屬當期運撫兹 沛公之基寇買吳馮奉蕭王之業復有蒙輪挾朝之士 叱咤則嵩華自拔以此攻城何城不陷以此擊陣何陣 冠三軍擊劍則截蛟斷釐磚弧則吟猿落鴈韓彭絳淮 師 兆 欽定全唐文一卷一百三十二 達等昆吾惡稔飛康姦佞久迷天數敢拒義兵驅率 推譬猶決滄海而濯發螢舉崑崙而壓小卵鼓行而進百 將問南集之罪百萬成旅四七為名呼吸則河渭絕流 躬擐甲胄跋涉山川櫛風沐雨豈解勞倦遂起西伯 俱前以今月二十一日屆於東都而昏朝文武留守段 祖君彦 醌徒

積我已先據為日久矣既得迴洛又取黎陽天下倉廩 衛幕魚遊宋池珍滅之期匪朝伊暮然興洛虎牢國家儲 梯衝亂舞徒設九拒之謀鼓角將鳴空憑百樓之險驚 **衆有十萬迴洛倉北遂來舉斧於是熊羆角逐雞虎爭先** 仁基雄才上將受命專征遐邇攸憑安危是託乃識機 則長平未多積甲則熊耳為少達等助桀為虐嬰城自 因其倒戈之心乗我破竹之勢曾未旋踵瓦解冰消坑卒 隋有四方起義萬里如雲足食足兵無前無敵裴光 殷事夏袁謙擒自藍 水張須随獲在滎陽寶慶戰

海 **彦藻近東戎律略地東南師之所臨風行電擊安陸汝** 於北朔崔 隨機蕩定淮 **英盈於道路諸君等並衣冠兵俱期牧野之會滄溟之右** 公又破濟陰於是海内英雄咸來響應封民瞻取平原 北朔崔白駒在類川起方獻伯以誰郡來上黨滑公李景考功郎中房山基發自臨 郝孝德據黎陽之倉李士雄虎 郭詢授首於河北隋之亡 路諸君等並衣冠世胄把掉良才神鼎靈澤野之會滄漠之右函谷以東牛酒獻於軍前 安濟陽則俄 然送飲徐圓朗巴平魯郡 候斷可知也清河公房 視於長平王德仁 郡來各擁 渝 劉 數 興 鷹 祖

籠之僕自殺其君高官上賞即以相授如闇於成事守 奕葉豈不盛哉若隋氏官人同夫桀犬尚荷王莽之思 高帝當以金章紫綬華蓋朱輪富貴以重當年忠貞以 王未若陳平從漢魏公推以赤心當加好爵擇木而處令 不反崑岡縱火玉石俱焚爾等盛臍悔將何及黃河帶 秋裂地封侯之始豹愛鵲起今正其時鼉鳴鼈應見 定全唐文《卷一百三十二 作宜 蒯瞶之禄審配死於袁氏不如張郃歸曹范增因於 自疑脫其猛虎猶與舟中敵國夙沙之人共縛其主 各鳩率子弟共建功名耿弇之赴光武蕭何之 彭 奉 項 仍

		والمستوالة				parameter a			Wille bestern Regret.
5					1	!	!	聞知	明
•] ,	; ;	; ;	杂	余
_							<u>;</u>		E
	ļ 								티
-]		i	رد
								i	-
				_) 		山大
-				:					火!
			·						・日日
•									進
•									大
韭]				 		; 	知
里替参				ļ					明余旦旦之言皎日麗天知我勤勤之意布生
2			:			:		,	勤
								. [勤
									之
				; 					意
									布
,					,				告
									海
	•								内
	;			1 1		İ		ļ	咸
			}	1					古海内咸使
	de est de la company					ر در	Ngina (Misana)		